

virorum Nokeri Oudelardi Burchardi Oudalrici constructum et ab eisdem beato Petro cum omnibus suis pertinentiis pia devotione oblatum, ad exemplar felicis recordationis Eugenii pape predecessoris nostri sub eiusdem principis apostolorum et apostolice sedis protectione suscipimus et presentis scripti privilegio communimus: statuentes, ut quascumque possessiones quecumque bona eadem ecclesia in presentiarum iuste et canonicè possidet aut in futurum concessione pontificum largitione regum vel principum oblatione fidelium seu aliis iustis modis prestante Domino poterit adipisci, firma vobis vestrisque successoribus et illibata permaneant. In quibus hec propriis duximus exprimenda vocabulis: Locum ipsum, in quo prefata ecclesia sita est cum omnibus pertinentiis suis, Liela, Nugerol et capellam eiusdem ville cum omnibus mancipiis suis, Sewen et capellam eiusdem ville cum omnibus pertinentiis suis, Grindiln et ius quod habetis in capella eiusdem ville¹, Mulhein, Helgiswilre et omnem decimationem infra rupem quam incole Lamartsflum vocant, Morsbach, Blachwen, Ramolwire, Hufehen, Brunkehen, Mezherlon, Luodoldistorf², Ouken, Biediertan, Buezherach, Hergeswile, Herkingin, Mumeliswile, Huoingen, Luopthurf, Lulwile, Roud[?]munt, Riede, Wilere, Buhse, Recheswendin, Cundoltingin, Boubinowe, Rauzelingin, Hurwile, Titeritun, Braswilere, Rigolswilre, Luiwilre, Buoron, Diekon, Liedirwilre, Lubesingin, Baldewile, Eptinwin, Selboldisberch, Rectidinberch, Ederswilre, Huhostetten, Luozela, Nurekon, Briselake, Rinake, Zinwigen, Bermeswile, Wikesowe, Hunegin, Numengen, Sliegin, Chuowis. Sane novalium vestrorum que propriis manibus aut sumptibus colitis sive de nutrimentis animalium vestrorum nullus a vobis decimas exigere vel extorquere presumat. Cum autem generale interdictum terre fuerit, liceat vobis clausis ianuis, exclusis excommunicatis et interdictis, non pulsatis campanis, suppressa voce divina officia celebrare. Crisma vero, oleum sanctum, consecrationes altarium seu basilicarum, ordinationes monachorum sive clericorum qui ad sacros ordines fuerint promovendi a diocesano suscipietis episcopo, siquidem catholicus fuerit et gratiam atque comunem apostolice sedis habuerit et ea gratis et absque pravitate aliqua vobis voluerit exhibere; alioquin quemcumque malueritis, adeatis antistitem³ gratiam atque comunem apostolice sedis habentem, qui nostra fultus auctoritate quod postulatur impendat. Sepulturam preterea ipsius loci liberam esse decernimus, ut eorum devotioni et extreme voluntati qui se illic sepeliri deliberaverint, nisi forte excommunicati vel interdicti sint, nullus obsistat salva tamen iustitia illarum ecclesiarum a quibus

1) Von 'et' bis 'ville' auf Rasur. 2) r aus f corrigiert. 3) Von 'quemcum qui' bis 'antistitem' auf Rasur.